


PL
2517
Y78
1699
v.4





玉堂才調集

刪 七十七首

岑參 一首

杜甫 一首

劉長卿 二首

盧綸 一首

戴叔倫 二首

王建 二首

劉禹錫 二首

楊巨源 一首

張籍 四首

元稹 四首

白居易 十三首

姚合 四首

朱慶餘 一首

溫庭筠 二首

李遠 一首

許渾 四首

趙嘏二首

薛逢一首

薛能二首

姚鹄一首

崔珏一首

方干四首

唐彥謙一首

章碣一首

皮日休一首

陸龜蒙一首

李昭象一首

鄭谷二首

杜荀鶴二首

嚴郾一首

韓偓一首

李中二首

韋莊一首

羅隱一首

封敖一首

李建勳一首

玉清胡宿一首

楊發一首

僧齊已一首

暮春號州東亭送李司馬歸扶風別業

岑參

柳彈鶯嬌花復殷紅亭綠酒送君還到來函谷愁中月
歸去惜溪夢裏山簾前春色應須惜世上浮名好是閒
西望郊關腸欲斷對君衫袖淚痕斑

滕王亭子

杜甫

君王臺榭枕巴山萬丈丹梯尚可攀春日鶯啼修竹裏
山家犬吠白雲間青工喜在嘉心麗救荒農花滿日家

薛能

一首

姚鵠

一首

崔珏

一首

方干

四首

磨彥謙

一首

章碣

一首

皮日休

一首

陸龜蒙

一首

李昭象

一首

鄭谷

一首

杜荀鶴

一首

嚴郾

一首

韓偓

一首

李中

一首

曾齊己

一首

羅隱

一首

賈諤

一首

謝建發

一首

玉堂才調集

刪

暮春虢州東亭送李司馬歸扶風別業

岑參

柳彈鶯嬌花復殷紅亭綠酒送君還到來函谷愁中月
歸去磻溪夢裏山簾前春色應須惜世上浮名好是閒
西望鄉關腸欲斷對君衫袖淚痕斑

滕王亭子

杜甫

君王臺榭枕巴山萬丈丹梯尚可攀春日鶯啼修竹裏
仙家犬吠白雲間清江碧石傷心麗嫩蕊濃花滿目斑

人到於今歌出牧來遊此地不知還

上陽宮望幸

劉長卿

玉輦西巡久未還春光猶入上陽間
萬木長承新雨露千門空對舊河山
淡花寂寂宮城閉細草青青御路閒
獨見綵雲飛不盡只應來去候龍顏

送靈澈上人還越中

禪客無心杖錫還沃州淡處草堂閒
身隨敝屣經殘雪手綻一作縐寒衣入舊山
獨向清溪依樹下空畱白日在人間
那堪別後長相憶雲木蒼蒼但閉關

長安春望

盧綸

東風吹雨過青山却望千門草色閒家在夢中何日到
春來江上幾人還川原繚繞浮雲外宮闕參差落照間
誰念爲儒逢世難獨將衰髯客秦關

過故人陳羽山居

戴叔倫

向來携酒共追攀此日看雲獨未還不見山中人半載
依然松下屋三間峯攢僧寺丹霞上水遶漁磯綠玉灣
却望夏洋懷二妙滿崖霜樹曉斑斑

春日酬盧端公飲後贈諸公見示之作

佐幕臨戎旌旆間五營無事萬家閑風吹楊柳漸拂地
日映樓臺欲下山綺席晝開畱上客朱門半掩擬重關

三
當時不敢辭先醉誤逐羣公倒載還

初授太府丞言懷

王建

除書亦下屬微班
喚作官曹便不閒
檢案事多關市井
聽人言志在雲山
病童喚著唯行慢
老馬鞭多轉放頑
此去仙宮無一里
遙看松樹衆家攀

題柱國寺

皇帝施錢修此院
半居天上半人間
丹梯暗出三重閣
古像斜開一面山
松栢白穿空地少
川原不稅小僧閒
行香天使長相續
早起離城日午還

昭應官舍

痴頑終日美人閒却喜因官得近山
斜對寺樓分寂寂
遠從溪路借潺潺
眇身多病惟親藥
空院無錢不要關
文案把來看未會
雖書一字甚慚顏

秋日題寶員外新居時寶判度支業

劉禹錫

長愛街西風景閒
到君居處暫開顏
清光門外一渠水
秋色牆頭數點山
疎種碧松過一作通月朗多栽紅藥待

春還莫言堆案無餘地
認得詩人在此間

題王郎中新居

愛君新買街西宅
客到如遊鄠杜間
雨後退朝貪種樹

三
三
申時出省趲看山門前巷陌三條近
墻內池亭萬境閒
見擬移居作鄰里不論時日請開關

送澹公歸嵩山龍潭寺葬本師

楊巨源

野烟秋水蒼茫遠
禪境真機去住閒
雙樹爲家思舊壑
千花成塔禮寒山
洞宮曾向龍邊宿
雲徑應從鳥外還
莫戀本師金骨地
空門無處復無關

酬秘書王丞見寄

張籍

相看頭白來城闕
却憶漳溪舊往還
今體詩中偏出格
常叅官裏每同班
街西借宅多臨水
馬上逢人亦說山
芸閣水曹雖最冷
與君常喜得身閒

送韓侍御歸山

聞君久臥在雲間，爲佐嫖姚未得還。
新結茆廬招隱逸，一作客獨騎驄馬入深山。
九竊洞口行應到，五粒松枝醉亦攀。
明日珂聲出城去，家童不復掃柴關。

送浙西周判官

由來自是烟霞客，早已聞名詩酒間。
天闕因將賀表到，家鄉新著賜衣還。
常吟卷裏相酬句，自話湖邊舊住山。
吳越主人偏愛重，多應不肯放君閒。

送施肩吾東歸

知君本是烟霞客，被薦因來城闕間。
世業偏臨七里瀨，

三才集
仙遊多在四明山早聞詩句傳人遍新得科名到處閒
惆悵灞亭相送去雲中琪樹不同攀

餘杭周從事見寄十章聊和首篇以荅來貺

元稹

擾擾紛紛旦暮間經營閒事不曾閒多緣老病推辭酒
少有工夫久羨山清夜笙歌喧四郭黃昏鐘漏下重關
何由得似周從事醉入人家醒始還

貞元二十年正月二十五日自洛之京二月三日
春社至華嶽寺憩寶師院曾未逾月又復徂東
再謁寶師因題四韻而已

山前古寺臨長道來往淹留爲愛山雙燕營巢始西別
百花成子又東還暝驅羸馬頻看堠曉聽鳴雞欲度關
羞見竇師無外役竹窗依舊老身閒

送王十一郎遊剡中

越州都在浙河灣塵土消沈景象閒百里油盆鏡湖水
千峯鈿朶會稽山軍城樓閣隨高下禹廟烟霞自在還
想得玉郎乘畫舸幾回明月墜雲間

幽棲

野人自愛幽棲所近對長松遠足上盡日望雲心不繫
有時看月夜方閒壺中天地乾坤外夢裏身名旦暮閒

遼海若思千歲鶴且畱城市會飛還

琴茶

白居易

兀兀寄形羣動內陶陶任性一生閒
自拋官後春多醉不讀書來老更閒
琴裏知聞惟淥水茶中故舊是蒙山
窮通行止長相伴誰道吾今無往還

偶作

籃輦出卽忘歸舍柴戶昏猶未掩關
聞客病時慚體健見人忙處覺心閒
清涼秋寺行香去和煖春城拜表還
木雁一篇須記取致身才與不才閒

酬元員外三月三十日慈恩寺相憶見寄

悵望慈恩三月盡紫桐花落鳥關關誠知曲水春相憶
其奈長沙老未還赤嶺猿聲催白首黃茅瘴色換朱顏
誰言南國無霜雪盡在愁人鬢髮間

春來頻與李二賓客郭外同遊因贈長句

風光引步酒開顏送老消春嵩洛間朝踏落花相伴出
暮隨飛鳥一時還我爲病叟誠宜退君是才臣豈合閒
可惜濟時心力在放教臨水復登山

咏懷寄皇甫朗之

老大多情足往還招僧待客夜開關學調氣後衰中健
不用心來鬧處閒養病未能辭薄俸忘名何必入溪山

與君別有相知分同置身于木雁間

天寒晚起引酌咏懷寄許州王尚書汝州李常侍
葉覆氷池雪滿山日高慵起未開關寒來更亦無過醉
老後何由可得閒四海故交惟許汝十年貧健是樊蠻
相思莫忘櫻桃會一放狂歌一破顏

雨中赴劉十九二林之期及到寺劉已先去因以
四韻寄之

雲中臺殿泥中路旣阻同遊懶却還將謂獨愁猶對雨
不知多興已尋山纔應行到千峯裏只校來遲半日間
最惜杜鵑花爛熳春風吹盡不同攀

清明日登老君閣望洛城贈韓道士

風光烟火清明日歌哭悲歡城市間
何事不隨東洛水誰家又葬北邙山
橋車馬長無已下渡舟航亦不閒
塚墓纍纍人擾擾遠東悵望鶴飛還

八月十五日夜聞崔大員外翰林獨直對酒玩月
因懷禁中清景偶題是詩

秋月高懸空碧外仙郎靜玩禁闌間
歲中惟有今宵好海內無如此地閒
皓色分明雙闕榜清光淡到九門關
遙聞獨醉還惆悵不見金波照玉山

南浦歲暮對酒送王十五歸京

臘後氷生覆溢水夜來雲暗失廬山風飄細雪落如米
索索蕭蕭蘆葦間此地二年畱我住今朝一酌送君還
相看漸老無過醉聚散窮通總是閒

題石山人

騰騰兀兀在人間貴賤賢愚盡往還羶膩筵中惟飲酒
歌鐘會處獨思山存神不許三尸住混俗無妨兩鬢斑
除却餘杭白太守何人更解愛君閒

自詠

悶發每吟詩引興興來兼酌酒開顏欲逢暇日先招客
正對衙時亦望山勾檢簿書多鹵莽提防官吏少機關

誰能頭白勞心久人道無才也自閒

題謝公東山障子

賢愚共在浮生內貴賤同趨羣動間多見忙時已衰病
少閒健日肯休閒鷹饑受縲從難退鶴老乘軒亦不還
惟有風流謝安石拂衣携妓入東山

贈王尊師

姚合

先生自說瀛州路多在青松白石間海岸夜中常見日
仙宮深處却無山大隨鶴去遊諸洞龍作人來問大還
今日偶聞塵外事朝簪未擲復何顏

偶題

年年九陌看春還舊隱空勞夢寐間遲日逍遙芸草長
聖朝清靜諫臣閒偶逢遊客同傾酒自有前騶恥見山
道侶書來相責誚幾回欲報作何顏

送林使君赴邵州

詔書飛下五雲間才子分符不等閒驛路算程多是水
州圖管地少於山岡頭斑竹尋應遍洞裏丹砂自採還
清淨化人人自理終朝無事更相關

酬盧汀諫議

粟如流水帛如山依念倉邊語笑閒篇什縱橫文案少
親朋撓亂吏人閒杯觴引滿從衣濕牆壁書多任手頑

遙賀來年二三月
綵衣先輩過春關

歸故園

朱慶餘

桑柘駢闐數畝間
門前五柳正堪攀
樽中美酒長須滿
身外浮名總是閒
竹徑有苔風爲掃
柴門無事日長關
于焉已是忘機地
何用將金別買山

偶遊

溫庭筠

曲巷斜臨一水間
小門終日不開關
紅珠斗帳櫻桃熟
金尾屏風孔雀閒
雲鬢幾迷芳草蝶
額黃無限夕陽山
與君便是鴛鴦侶
休向人間覓往還

春日訪李十四處士

花溪橋轉水潺潺角里先生自閉關看竹已知行處好
望雲空得暫時閒誰言有策堪經世自是無錢可買山
一局殘棋千點雨綠萍池上暮方還

贈潼關不下山僧

李遠

與君同在苦空間君得空門我愛閒一作足已教修

雁塔終身不擬下雞山窗中遙指三千界枕上斜看百
二關香茗一甌從此別轉蓬流水幾時還

早發天台中巖寺度關嶺次天姥岑

許渾

來往天台天姥間欲求真訣駐衰顏星河半落巖前寺

雲霧初開嶺上關，丹壑樹多風浩浩。
碧溪苔淺水潺潺，可知劉阮逢人處。
行盡溪山又是山。

訪別韋隱居不值

犬吠雙岩碧樹間，主人朝出半開關。
湯師閣上畱詩別，杜叟橋邊載酒還。
櫟塢炭烟晴過嶺，蓼村漁火夜移灣。
故鄉蕪沒兵戈後，憑向溪南買一山。

遊溪夜回寄道玄上人

南郭溪光異世間，碧桃紅杏水潺潺。
猿來近嶺獼猴散，魚下深潭翡翠閒。
猶阻晚風停桂楫，欲乘春月訪松關。
幾回策杖終難去，洞口雲歸不見山。

送段覺之西蜀結婚

詞賦名高身不閒
綵衣如錦度函關
鏡中鸞影羅威去
劍外花歸衛玠還
秋浪遠侵黃鶴嶺
暮雲遙斷碧雞山
此時人問西遊客
心在重霄鬢欲斑

早發剡中石城寺

一作法堂寺

趙嘏

暫息勞生樹色

一作

閒平明世事又相關
吟辭宿處烟

霞去身負秋來水
石閒竹戶半開鐘
未絕松枝靜

一作微

霽鶴初還明朝一
倍堪惆悵回首塵
中見此山

和令狐補闕春日獨遊西街

左掖初辭近侍班
馬嘶尋得過街閒
映鞭柳色微遮水

迎步花枝欲礙山暖泛鳥聲來席上醉從詩句落人間
此時失意哀吟客更覺風流不可攀

送劉郎中牧杭州

薛逢

一州橫制浙江灣臺榭參差積翠間樓下潮迴滄海浪
枕前雲起剡溪山吳江水色連隄濶越俗春聲隔岸還
聖代牧人無遠近好將能事濟清閒

聞李夷遇下第東歸寄贈

薛能

囊中書是居山寫海畔家憑乞食還吾子莫愁登第晚
古人惟愛賤遊閑舟行散適江亭上郡宴歌吟蠟燭間
從此樂章休敘戰漢兵無陣亦無蠻

獻僕射相公

清如水玉重如山百辟嚴趨禮絕攀強
外聞應破膽平人長見盡開顏朝廷有道青春好門館無私白日閒
致却垂衣更何事幾多詩句詠關關

和陝州叅軍李通微首夏書懷呈同寮張裳段羣

二先輩

姚鵠

公門何事更相牽邵伯優賢任養閑滿院落花從覆地
半簷初日未開關尋仙鄭谷烟霞裏避暑柯亭樹石間
獨爲高懷誰繼和掾曹同處桂同攀

岳陽樓晚望

崔珣

乾坤千里水雲間
釣艇如萍去復還
樓上北風斜卷席
湖中西日倒銜山
懷沙有恨騷人往
鼓瑟無聲帝子閒
何事黃昏尚凝睇
數行烟樹接荆蠻

湖北有茆齋湖西有松島輕棹往返頗諧素心

方干

湖北湖西往復還
朝昏只處自由閒
暑天移榻就溪竹
月夜乘舟歸淺山
遶砌紫鱗欹枕釣
垂簷埜果隔窗攀
古賢暮齒方如此
多笑愚儒鬢未斑

題澄聖塔院上方

地靄直是饒雲雨
杉檜老于雲雨間
只訝窗中常見海

方知砌下更多山
遠泉勢曲猶須引
野果枝低可要攀
若把重門論玄寂
何妨善閉却無關

郭中山居

莫見一瓢離樹上
猶須四壁在林間
沉吟不寐先聞角
屈曲登高自有山
濺石迸泉聽未足
亞窗紅菓臥堪攀
公卿莫便遺名姓
却與禽魚作往還

贈山陰崔明府

用心何況兩衙間
退食孜孜亦不閑
壓酒曬書猶檢點
修琴取藥自交關
笙歌入夜舟中月
花木知春縣裏山
平叔正堪湯餅試
風流不合問年顏

興元沈氏莊

唐彥謙

清淺縈紆一水間
竹岡藤樹小躋攀
露沾荒草行人過
月上高林宿鳥還
江繞武侯籌筆地
雨昏張載勒名山
異鄉一笑因酣醉
忘却愁來鬢髮斑

癸卯歲毘陵會中貽同老

章 碣

玉皇恩詔別星班
去歷徐方分野間
有鳥盡巢垂汴柳
無樓不到隔淮山
旌旗漸向行時擁
案牘應從到日閒
想憶朝天獨吟坐
旋携新作過秦關

次魯望秋賦有期韻

皮日休

十載江南盡是閒
客兒詩句滿人間
郡侯聞譽親邀得

三才詩集
十三
鄉老知名不放還應帶瓦花經汴水更携雲實出包山
太微宮裏環岡樹無限瑶枝待爾攀

秋賦有期因寄襲美

陸龜蒙

雲似無心水似閒忽思名在貢書間烟霞鹿弁聊縣著
鄰里漁舸暫解還文艸病來猶滿篋藥苗衰後卽離山
廣寒宮樹枝多少風送高低便可攀

題顧正字谿居

李昭象

高敞吟軒近釣灣塵中來似出人間若教明月休生桂
應得危時共掩關春酒夜棋難放客短籬疎竹不遮山
莫誇恬淡勝榮祿雁引行高未許閒

朝直

鄭谷

朝直叨居省閣間，由來疎退校安閒。
落花夜靜宮中漏，微雨春寒廊下
班。自叩玄門齊寵辱，從他榮路用機
關。
孤峯未得深歸去，名畫偏求水墨
山。

次韻和秀上人長安寺居言懷寄渚宮禪者

舊齋松老別多年，香社人稀喪亂間。
出寺祇知趨內殿，閉門長似在深山。
臥聽秦樹秋鐘斷，吟想荆江夕鳥還。
惟恐興來飛錫去，老郎無路更追攀。

春日登樓遇雨

杜荀鶴

忽地晴天作雨天，全無暑氣似秋間。
看看水沒來時路，

三
漸
漸
雲
藏
望
處
山
風
趁
鷺
鷺
雙
出
葦
浪
催
漁
父
盡
歸
灣
一
心
準
擬
閒
登
眺
却
被
詩
情
使
不
閒

題汪明府山居

不似當官祇似閒
野情終日不離山
方知薄宦難拘束
多與山人作往還
牛笛漫吹烟雨裏
稻苗平入水雲間
羨君公退歸欹枕
免向他門厚客顏

秋宿臨江驛

南來北去二三年
去年去年來兩鬢
斑舉世盡從愁裏老
誰人肯向死前閒
漁舟火影寒歸浦
驛路鈴聲夜過山
身事未成歸未得
聽猿鞭馬入長安

望夫山

嚴 郾

何代提戈去不還，獨畱形影白雲間。
肌膚銷盡雪霜色，羅綺點成苔蘚斑。
江燕不能傳遠信，野花空解妬愁顏。
近來豈少征人婦，笑採蘼蕪上北山。

睡起

韓 偓

睡起牆陰下藥欄，瓦松花白閉柴關。
斷年不出僧嫌癖，逐日無機鶴伴閒。
塵土莫尋行止處，烟波常在夢寬間。
終撐舴艋稱漁叟，賒買湖心一崦山。

和胸陽載筆魯裕見寄

李 中

燕臺多事每開顏，相許論交淡薄間。
飲興共憐芳草岸，

吟情同愛夕陽山露濃小徑蛩聲咽月冷空庭竹影閒
何事此時攀憶甚與君俱是別鄉關

送圓上人歸廬山

蓮宮舊隱塵埃外策杖臨風拂袖還踏雪獨尋青嶂下
聽猿重入白雲間蕭騷紅樹當門老斑駁蒼苔鎖徑閒
預想松軒夜禪處虎溪圓月照空山

題姑蘇凌處士莊

韋莊

一簇林亭返照間門當官道不曾關花深遠岸黃鶯鬧
雨急春塘白鷺閒載酒客尋吳苑寺倚樓僧看洞庭山
怪來話得仙中事新有人從物外還

江上題所居

故人相別盡朝天苦竹江頭獨閉關
落日亂蟬蕭帝寺碧雲歸鳥謝家山
青州從事來偏熟泉布先生老漸慳
不是對花長酩酊永嘉時代不如閒

暇日投錢尚父

按五代史梁鄧王珪立冊尊鏐尚父

羅隱

牛斗星邊女宿間棟梁虛敞麗江關
望高漢相東西閣名重淮王大小山
醴設鬪傾金鑿落馬歸爭撼玉連環
自慙麋鹿無能事未報深恩髮已斑

題西隱寺

封敖

三年未到九華山終日披圖一室閒
秋寺喜因晴後賞

靄峯看待足時還猿從有性畱僧坐雲靄無心伴客閒
勝事倘能消歲月已揀名利不相關

道林寺

李建勲

雖向鐘峯數寺連就中奇勝出其間不教幽樹妨閒地
別著高窗向遠山蓮沼水從雙澗入客堂僧白九華還
無因得結香燈社空向王門玷玉班

塞上

胡宿

漢家神箭定天山烟火相望萬里間契郝天挺云作韻是利請

盟金七酒將軍歸卧玉門關雲沉老上單干名妖氛斷雪

照回中地名探騎閑五餌已行王道勝絕無刁斗至闐顏

秋晴獨立南亭

楊發

晝對南峯獨閉關
晴期幽鳥去仍還
如今有待終身貴
未若忘機盡日閒
心似蒙莊遊物外
官慙許掾在人間
開襟自向清風笑
無限秋光爲解顏

送人入蜀

僧齊已

何必閒吟蜀道難
知君心出險巇間
尋常秋泛江陵去
容易春浮錦水還
兩面碧懸神女峽
幾重青出丈人山
文君酒市逢初雪
滿貫新沾洗旅顏

于朋來衷于

于梅茶山

參輯

千眼來東干

參神

文岳市發既雲滿貫藤古武放簡

容長春乳臨水數兩面舉繼轉文剋幾重青出友人山

吟必問今世數難咲吾心出劍難開尋常燈火五刻土

殺人入罪

曾齊日

開縣自向青風笑無別殊光為鞭蘭

未嘗以難盡日間心以業報數世官懸符綬入人間

畫墜南峯隱閑閑觀其幽息去所數咲今注蒼絲心貴

殊靚隱立南亭

魁發

玉堂才調集

先一百九十六首

杜審言 一首

沈佺期 一首

劉憲 一首

韋元旦 一首

岑羲 一首

蘇頲 三首

張說 一首

孫逖 一首

郭雲 一首

苑咸 一首

元結 一首

崔顥 一首

杜甫 六首

劉長卿 二首

包何 一首

韓翃 四首

韋應物 一首

郎士元 一首

司空曙 二首

李益 一首

竇常 一首

竇華 一首

戴叔倫 一首

王建 五首

武元衡 一首

王表 一首

劉禹錫 二首

李逢吉 一首

柳宗元 二首

楊巨源 三首

張籍 二首

白居易 二十首

李紳 二首

楊凝 一首

殷堯藩 一首

賈島 三首

陳標 一首

姚合 三首

朱慶餘 二首

周賀 二首

宣宗皇帝 一首

李商隱 二首

溫庭鈞 六首

李遠 一首

許渾 四首

趙嘏 三首

薛逢 一首

薛能 四首

韓琮 一首

劉滄 二首

來鵬 二首

崔櫓 一首

曹鄴 一首

李羣玉 三首

李郢 二首

李頻 一首

方干
四首

皮日休
九首

陸龜蒙
六首

李穀
一首

李洞
五首

曹唐
二首

鄭谷
七首

杜荀鶴
二首

吳融
三首

韓偓
二首

劉兼
一首

鄭準
一首

李中
二首

韋莊
五首

黃滔
二首

李咸用
一首

羅隱
一首

羅鄴
一首

譚用之
三首

徐寅
五首

李建勲 一首

張泌 三首

伍喬 二首

若虛 一首

齊已 一首

處默 一首

侍宴安樂公主新宅應制

沈佺期

先

齊

一首

與

一首

山

一首

洋

一首

李

一首

張

三首

玉堂才調集

先

守歲侍宴應制

杜審言

季冬除夜接新年
帝子王臣捧御筵
宮闕星河低拂樹
殿廷燈燭上薰天
彈絃奏節梅風入
對局挨鉤栢酒傳
欲向正元歌萬壽
暫留歡賞寄春前

侍宴安樂公主新宅應制

沈佺期

皇家貴主好神仙
別業初開雲漢邊
山出盡如鳴鳳嶺
池成不讓飲龍川
粧樓翠幌教春住
舞閣金鋪借日懸
敬從乘輿來此地
稱觴獻壽樂鈞天

奉和春日幸望春宮應制

劉憲

暮春春色最便妍
苑裏花間列御筵
商山積翠臨城起
滌水浮光共幕連
鶯藏嫩葉歌相喚
蝶礙芳蕤舞不前
歡娛節物今如此
願奉宸遊億萬年

興慶池侍宴應制

韋元旦

滄池漭沆帝城邊
殊勝昆明鑿漢年
夾岸旌旂疏輦道
中流簫鼓振樓船
雲峯四起迎宸幄
水樹千重入御筵
宴樂已深魚藻詠
承恩更欲奏甘泉

奉和立春日內出綵花樹應制

岑羲

和風助律應韶年
清蹕乘高入望仙
花笑鶯歌迎帝輦

雲披日霽俯皇川
南山近壓仙樓上
北斗平臨御座前
一奉恩榮同鎬宴
空知率舞聽薰絃

奉和初春幸太平公主南莊應制
蘇頲

主第山門起灞川
宸遊風景入初年
鳳凰樓下交天仗
烏鵲橋頭敞御筵
往往花間逢綵石
時時竹裏見紅泉
今朝扈從平陽館
不羨乘槎雲漢邊

春日幸望春宮應制

東望望春春可憐
更逢晴日柳含烟
宮中下見南山盡
城上平臨北斗懸
細草偏承廻輦處
飛花故落舞筵前
宸遊對此歡無極
鳥弄歌聲雜管絃

龍池樂章

樂府第七
章

西京鳳邸躍龍泉佳氣休光鎮在天
軒后霧圖今已得秦王水劍昔嘗傳
恩魚不入昆明釣瑞鶴長如太液仙
願侍巡遊同舊里更聞簫鼓濟樓船

三月三日承恩遊宴定昆池官莊得筵字

張說

鳳凰樓下帶天泉鸚鵡洲中雜管絃
舊識平陽佳麗地今逢上巳盛明年
舟將水動千尋日幕共林橫兩岸烟
不降玉人觀襖飲誰令醉舞拂賓筵

咏樓前海石榴

孫逖

苦竹園南椒塢邊微香冉冉淚涓涓已悲節物同寒雁
忍委芳心與暮蟬細路獨來當此夕清樽相伴省他年
紫雲新苑移花處不取霜栽近御筵

寒食

郭雲

蘭陵士女滿晴川郊外紛紛拜古埏萬井人家初禁火
九原松栢自生烟人間後事非前事鏡裏今年老去年
介子終知祿不及王孫誰肯一相憐

酬王維

并序

苑咸

王員外兄以予嘗學天竺書有戲題見贈然王
兄當代詩匠又精禪理枉采知音形於雅作輒

走筆酬焉且久未遷因而嘲及

蓮花梵宇本從天華省仙郎早悟禪
三點成伊猶有想觀如幻自忘筌
爲文已變當時體入用還推間氣賢
應同羅漢無名欲故作馮唐老歲年

橘井

元結

靈橘無根井有泉世間如夢又千年
鄉園不見重歸鶴姓氏今爲第幾仙
風冷露壇人悄悄地閑荒徑草綿綿
如何躡得蘇君跡白日霓旌擁上天

雁門人歌

崔顥

高山代郡東接燕雁門
人家近邊解放鷹逐塞鳥

能將代馬獵秋田
山頭野火寒多燒
霧裏孤峯濕作烟
聞道遼西無鬪戰
時時醉向酒家眠

恨別

杜甫

洛城一別四千里
騎長驅五六年
草木變衰行劍外
兵戈阻絕老江邊
思家步月清宵立
憶弟看雲白日眠
聞道河陽近乘勝
司徒急爲破幽燕

宇文晁尚書之甥
崔彥司業之孫
尚書之子重泛
鄭監前湖

郊扉俗遠長幽寂
野水春來更接連
錦席淹留還出浦
葛巾欹側未迴船
樽當霞綺輕初散
棹拂荷珠碎却圓

玉堂才調集

先

不但習池歸酩酊君看鄭谷去賁緣

送路六侍御入朝

童穉情親四十年中間消息兩茫然更爲後會知何地
忽漫相逢是別筵不分桃花紅似錦生憎柳絮白於綿
劍南春色還無賴觸忤愁人到酒邊

公安送韋二少府匡贊

逍遙公後世多賢送爾維舟惜此筵念我能書數字至
將詩不必萬人傳時危兵甲黃塵裏日短江湖白髮前
古往今來皆涕淚斷腸分手各風烟

一城西陂泛舟

青蛾皓齒在樓船橫笛短簫悲遠

遲日徐看錦纜牽魚吹細浪搖歌扇

不有小舟能蕩槳百壺那送酒如泉

因許八奉寄江寧旻上人

不見旻公三十年封書寄與淚潺湲舊來好事人

老去新詩誰與傳碁局動隨幽澗竹袈裟憶上泛湖船
聞君話我爲官在頭白昏昏只醉眠

自夏口至鸚鵡洲望岳陽寄阮中丞

劉長卿

汀洲無浪復無烟楚客相思益渺然漢口夕陽斜度鳥

洞庭秋水遠連天孤城背嶺寒吹角獨戍臨江夜泊船
賈誼上書憂漢室長沙謫去古今憐

賦得

一刻皇甫冉
春思

鶯啼燕語報新年馬邑龍堆路幾千家住層城臨漢苑
心隨明月到胡天機中錦字論長恨樓上花枝笑獨眠
爲問元戎竇車騎何時返旆勒燕然

和程員外春日東郊卽事

包何

郎官休浣憐遲日埜老歡娛爲有年幾處折花驚蝶夢
數家畱藥待蠶眠藤垂宛地縈珠履泉迸侵堦浸綠錢
直到開關朝謁去鶯聲不散柳含烟

寄徐州鄭使君

韓翃

江城五馬楚雲邊不羨雍容畫省年
才子舊稱何水部使君還繼謝臨川
射堂草徧收殘雨官路人稀對夕天
雖臥郡齋千里隔與君同見月初圓

寄田僕射

家封薛縣異諸田報主榮親義兩全
僕射臨戎謝安石大夫持憲杜延年
金裝畫出羅千騎玉象晨羞直萬錢
應念一身畱闕下闔門遙寄魯西偏

送高別駕歸汴州

信陵門下識君偏駿馬輕裘正少年
寒雨送歸千里外

東風沉醉百花前身隨玉帳心應愜官佐銅符勢又全
久客未知何計是參差去借汶陽田

送冷朝陽還上元

青絲纜引木蘭船名遂身歸拜慶年落日澄江鳥榜外
秋風疎柳白門前橋通小市家林近山帶平湖野寺連
別後依依寒食裏共君攜手在東田

寄李儋元錫

韋應物

去年花裏逢君別今日花開又一年世事茫茫難自料
春愁黯黯獨成眠身多疾病思田里邑有流亡愧俸錢
聞道欲來相問訊西樓望月幾回圓

馮翊西樓

郎士元

城上西樓倚暮天，樓中歸望正凄然。
近郭亂山橫古渡，埜莊喬木帶新烟。
北風吹雁聲能苦，遠客辭家月再圓。
陶令好文常對酒，相招一和白雲篇。

秋日趨府上張大夫

司空曙

重城洞啓肅秋烟，共說羊公在鎮年。
鼙鼓暗驚林葉落，旌旂遙拂雁行偏。
石過橋下書曾受，星降人間夢已傳。
謫吏何能沐風化，空將歌誦拜車前。

過盧秦卿舊居

五柳茆茨楚國賢，桔槔蔬圃水涓涓。
黃花寒後難逢蝶，

紅葉晴來忽有蟬韓康助採君臣藥支遁同看內外篇
爲問潛夫空著論如何侍從賦甘泉

鹽州過 兒飲馬泉

李益

綠楊著水草如烟舊是 兒飲馬泉幾處吹笳明月夜
何人倚劍白雲天從來凍合關山路今日分流漢使前
莫遣行人照容鬢恐驚憔悴入新年

寒食途次松滋渡先寄劉員外禹錫

竇常

杏花榆莢曉風前雲際離離上峽船江轉數程淹驛騎
楚曾三戶少人烟看春又過清明節算老重經癸巳年

幸得柱山

松滋在江陵府西北四十里有柱山

當郡舍在朝常咏卜居篇

南陽道中作

竇 鞏

東風雨洗順陽川
蜀錦花開綠草田
彩雉鬪時頻駐馬
酒旗翻處亦畱錢
新晴日照山頭雪
薄暮人爭渡口船
早晚到家春欲盡
今年寒食月初圓

二靈寺守歲

戴叔倫

守歲山房迥絕緣
燈光香爇共蕭然
無人更獻椒花頌
有客同參栢子禪
已悟化城非樂界
不知今夕是何年
憂心悄悄渾忘寐
坐待扶桑日麗天

送唐大夫寵節歸山

王 建

年少乎戎老學仙表求骸骨乞生全不堪腰下懸金印
已向雲西寄玉田旄節抱歸官路上公卿送到國門前
人間雞犬同時去遙聽笙歌隔水烟

贈盧汀諫議

青蛾不得在牀前空室焚香獨自眠功證詩篇離景象
藥成官位屬神仙閒過寺觀長衝夜忽送封章直上天
近見蘭臺諸吏說御詩新集未教傳

贈閻少保

髭鬚雖白體輕健九十三來却少年問事愛知天寶裏
識人皆是武皇前玉裝劍珮身長帶絹寫方書子不傳

侍女常時教合藥亦聞私地學求仙

題花子贈渭州陳判官

膩如雲母輕如粉艷勝香黃薄勝蟬點綠斜蒿新葉嫩
漆紅石竹曉花鮮鴛鴦比翼人初帖蛺蝶重飛樣未傳
況復蕭郎有情思可憐春日鏡臺前

故梁國公主池亭

按唐書梁國恭靖公主順宗女也始封咸寧郡主徙普安下嫁

鄭何夔追封及謚

平陽池館枕秦川門鎖南山一朵烟素柰花開西子面
綠榆枝散沈郎錢裝簷玳瑁隨風落傍岸鷓鴣逐暖眠
寂寞空餘歌舞地玉簫聲絕鳳歸天

送李秀才赴滑州詣大夫舅

武元衡

陌頭車馬去翩翩
白面懷書美少年
東武楊公姻婭重
西州謝傅舅甥賢
長亭叫月新秋雁
官渡含風古樹蟬
知己滿朝畱不住
貴臣河上擁旌旃

清明日登城春望寄大夫使君

王表

春城閒望愛晴天
何處風光不眼前
寒食花開千樹雪
清明日出萬家烟
興來促席惟同舍
醉後狂歌盡少年
聞說鶯啼却惆悵
詩成不見謝臨川

張郎中籍謫寄長

句開緘之日已及新秋因舉目

前仰酬高咏

劉禹錫

南宮詞客寄新篇清似湘靈促柱絃京邑舊遊勞夢想
歷陽秋色正澄鮮雲啣口脚成山雨風駕潮頭入渚田
對此獨吟還獨酌知音不見思愴然

和牛相公遊南莊醉後寓言戲贈樂天兼見示

城外園林初夏天就中野趣在西偏薔薇亂發多臨水
鸕鶿雙遊不避船水底遠山雲似雪橋邊平岸草如烟
白家惟有杯觴興欲把頭盤打少年

酬致政楊祭酒見寄

李逢吉

初還相印罷戎旃護守皇居在紫烟妄比鄼侯功蔑爾
每懷疏傅意悠然應將半俸霑閭里料入中條訪洞天

十載別離那可道倍令驚喜見來篇

別舍弟宗一

柳宗元

零落殘魂倍黯然雙垂別淚越江邊
一身去國六千里萬死投荒十二年
桂嶺瘴來雲似墨洞庭春盡水如天
欲知此後相思夢長在荆門郢樹烟

嶺南江行

瘴江南去入雲烟望盡黃茆是海邊
山腹雨晴添象跡潭心日暖長蛟涎
射工巧伺遊人影颺音具母偏驚旅客
船從此憂來非一事豈容華髮待流年

邵州陪王郎中宴

楊巨源

西塞無塵多玉筵
貔貅鴛鴦儼相連
紅茵照水開樽俎
翠幕當雲發管絃
歌態晚臨團扇靜
舞容春映薄衫妍
魯儒縱使他時有
不似歡娛及少年

賀田僕射子弟拜金吾

五侯恩德眷同年
叔姪朱門襍稍連
鳳詔九重和喜氣
雁行一半在凌烟
街衢燭影侵寒月
文武珂聲疊曉天
爲數麒麟高閣上
誰家父子勒燕然

元日朝下呈元逢吉舍人

華夸文物賀新年
霜仗遙排鳳闕前
一片綵霞迎曉日
萬條紅燭動春天
稱觴山色和元氣
端冕爐香疊瑞烟

共說正初當聖澤試過西掖問羣仙

書懷寄元郎中

張籍

轉覺人間無氣味常思身外省因緣經過獨愛遊山客
計校惟求買藥錢重作學官閒盡日一離江塢病多年
吟君釣客詞中語便欲南歸榜小船

贈宜師

自到王城得幾年巴童蜀馬共隨緣兩朝侍從當時貴
五字聲名遠處傳舊住紅樓通內院新承墨詔賜齋錢
閒房暫喜居相近還得陪師坐竹邊

寄令狐賓客

勲名盡得國家傳
退狎琴僧與酒仙
還帶郡符經幾處
暫辭台座已三年
畱司未到龍樓下
拜表長懷玉案前
秋日出城伊水好
領誰相逐上閑船

病中多雨逢寒食

白居易

水國多陰常懶出
老夫饒病愛閒眠
三旬臥度鶯花月
一半春消風雨天
薄暮何人吹觱栗
新晴幾處縛鞦韆
綵繩芳樹長如舊
惟是年年換少年

舟中晚起

日高猶掩水窗眠
枕簟清涼八月天
泊處或依沽酒店
宿時多伴釣魚船
退身江海應無用
憂國朝廷自有賢

三才集
五
且向錢塘湖上去冷吟閒醉二三年

西湖畱別

征途行色慘風烟祖帳離聲咽管絃翠黛不須畱五馬
皇恩只許住三年綠簾陰下鋪歌席紅藕花中泊妓船
處處迴頭盡堪戀就中難別是湖邊

與夢得沽酒閒飲且約後期

少時猶不憂生計老後誰能惜酒錢共把十千沽一斗
相看七十欠三年閒徵雅令窮經史醉聽清吟勝管絃
更待菊黃家釀熟共君一醉一陶然

宴周皓大夫光福宅

何處風光最可憐
妓堂階下砌臺前
軒車擁路光照地
絲管入門聲徹天
綠蕙不香饒桂酒
紅櫻無色讓花鈿
野人不敢求他事
惟借流泉伴醉眠

感元九謝家最小偏憐女詩因爲代答

嫁得梁鴻六七年
耽書愛酒日高眠
雨荒春圃惟生草
雪壓朝廚未有烟
身病憂來緣女少
家貧忘却爲夫賢
誰知厚俸今無分
枉向秋風吹紙錢

水堂醉臥問杜三十一

聞君洛下住多年
何處春流最可憐
爲問魏王堤岸下
何如同德寺門前
無妨水色堪閒玩
不得泉聲伴醉眠

三才集
那似此堂簾幙底連明連夜碧潺湲

令狐尚書許過敝居先贈長句

不矜軒冕愛林泉許到池頭一醉眠已遣平治行藥徑
兼教掃拂釣魚船應將筆硯隨詩主定有笙歌伴酒仙
祇候高情無別物蒼苔石笋白花蓮

齋戒滿夜戲招夢得

紗籠燈下道場前白日持齋夜坐禪無復更思身外事
未能全盡世間緣明朝又擬親杯酒今夕先聞理管絃
方丈若能來問疾不妨兼有散花天

白髮

白髮生來三十年而今鬚髮盡皤然歌吟終日如狂叟
衰疾多時似瘦仙八戒夜持香火印三光朝念蕊珠篇
其餘便被春收拾不作閒遊卽醉眠

初授贊善大夫早朝寄李二十助教

病身初謁青宮日衰貌新垂白髮年寂寞曹司非熱地
蕭條風雪是寒天遠坊早起常侵鼓瘦馬行遲苦費鞭
一種共君官職冷不如猶得日高眠

寄答周協律

來詩多敘
蘇州舊遊

故人敘舊寄新篇惆悵江南到眼前暗想樓臺萬餘里
不聞歌吹一週年橋頭誰更看新月池畔猶應泊舊船

最憶後亭杯酒散紅屏風掩綠窗眠

送敏中新授戶部員外郎西歸

千里歸程三伏天官新身健馬翩翩行衝赤日加餐飯
上到青雲穩着鞭長慶老郎惟我在客曹故事望君傳
前鴻後雁行難續相去迢迢二十年

長慶初余爲主客郎中知制誥遷中

書令人去今二十一年也

夜宿江浦聞元八改官因寄此什

君遊丹陛已三遷我汎滄浪欲二年劍珮曉趨雙鳳闕
烟波夜宿一漁船交親盡在青雲上鄉國遙拋白口邊
若報生涯應笑殺結茅栽芋種畬田

六年秋重題白蓮

素房含露玉冠鮮
紺葉搖風鈿扇圓
本是湖州供進藕
今爲伊水寄生蓮
移根到此三千里
結子經今六七年
不獨池中花故舊
兼乘舊日採花船

贈蘇鍊師

兩髯蒼然心浩然
松窗淡處藥爐前
携將道士通宵語
忘却花時盡日眠
明鏡嬾開長在匣
素琴欲弄半無絃
猶嫌莊子多詞句
只讀逍遙六七篇

春江

炎涼昏曉若推遷
不覺中州已二年
閉閣只聽朝暮鼓

上樓空望往來船
鶯聲誘引來花下
草色勾留坐水邊
惟有春江看未厭
縈砂遶石淥潺湲

偶吟

好官病免曾三度
散地歸休已七年
老自退閒非世棄
貧蒙強健是天憐
葦荆南去畱春報
王侍中來乞酒錢
便得一年生計足
與君羹食復同眠

談氏小外孫玉童

外翁七十君三歲
笑指琴書欲遣傳
自念老夫今耄矣
因思稚子更茫然
中郎餘慶鍾羊祜
子幼能文似馬遷
才與不才爭料得
東牀空後且嬌嬈

戲贈夢得兼呈思黯

雙鬢莫欺今老矣一杯欲笑便陶然
陳郎中處爲高戶裴使君前作少年
顧我獨狂多自哂與君同病最相憐
月終齋滿誰開素須擬奇章置一筵

迴望館娃故宮

李紳

江雲斷續草綿連雲隔秋波樹覆烟
飄雪荻花鋪漲渚變霜楓葉卷平田
雀愁化水喧斜日鴻怨驚風叫暮天
因問館娃何所恨破吳紅臉尚開蓮

海榴亭

在新樓北
花開最早

海榴亭早開繁葉光照晴霞破碧烟
高近紫霄疑茜萼

迥依江月半嬋娟
懷芳不作翻風艷
別萼猶含泣露妍
搖落舊叢雲水隔
不堪行坐數流年

宿揚州館

舟依淺岸參差合
橋映晴虹上下連
輕楫過時搖水月
遠燈繁處隔秋烟
却思海嶠還悽歎
遡涉江濤更凜然
閒凭欄干指星漢
尚疑軒蓋在樓船

送客往夏州

楊凝

憐君此去過居延
古塞黃雲共渺然
沙濶獨尋邊馬跡
路迷遙指戍人烟
夜投孤店愁吹笛
朝望行塵喜控弦
聞有故交今從騎
何須著論更言錢

和趙相公登鶴樓

殷堯藩

危樓高架沈寥天上相閒登立綵旃樹色到京三百里
河流歸漢幾千年晴峯聳日當周道秋穀垂花滿舜田
雲路何人見高志最看西面赤闌前

酬張籍王建

賈島

疎林荒宅古坡前久住還因太守憐漸老更思溪處隱
多閒數得上方眠鼠拋貧屋收田日雁度寒江擬雪天
身是龍鍾應是分水曹芸閣枉來篇

題童真上人

江上修持積歲年灘聲未擬住潺湲誓從五十身披衲

玉堂才調集

先

便向三千界坐禪月峽青城那有滯天台廬岳豈無緣
昨宵忽夢遊滄海萬里波濤在目前

處州李使君改任遂州因寄贈

庭樹幾林陰入戶主人何在客聞蟬
鑰開原上高樓鎖
瓶汲池東古井泉
起靜野禽曾後到
休吟隣叟始安眠
仙都山永誰能憶
西去風濤滿船

秦王卷衣

陳標

秦家漢闕靄春烟
珠樹瓊枝近碧天
御氣馨香蘇合啓
簾光浮動水精懸
霏微羅縠隨芳袖
宛轉鮫綃逐寶筵
從此咸陽一回首
暮雲愁色已千年

南池嘉蓮

姚合

芙蓉池上葉田田一本雙花照碧泉
濃淡並肩香各散東西分艷影相連
自知政術無他異縱是禎祥亦偶然
四野人民皆盡喜爭來入郭看嘉蓮

寄王客劉郎中

漢朝共許賈生賢遷謫還應是宿緣
仰德多時方會面拜兄何暇更論年
嵩山晴色來城裏洛水寒光出岸邊
清景早朝吟麗思題詩應費益州牋

送無可上人遊越

清晨相訪立門前

一作門前立

麻履方袍一少年懶讀經文

求作佛願攻詩句覓成仙芳春山影花連寺獨夜潮聲
月滿船今日送行偏惜別共師文字有因緣

贈韓協律

朱慶餘

永日微吟在竹前骨清唯去嗽寒泉門閒多有投文客
身病長無買藥錢嶺寺聽猿頻獨宿湖亭避宴動經年
親知盡怪疎榮祿的是將心暗學禪

送長安羅少府

科名再得年猶少今日休官更覺賢去國已辭趨府伴
向家還入渡江船雪晴新雁斜行出潮落殘雲遠色鮮
在處若逢山水住到時應不及秋前

寄新頭陀

周賀

見說北京尋祖後，瓶盂自挈遶窮邊。
相逢竹塢晦暝夜，一別苕溪多少年。
遠洞省穿湖底過，斷崖曾向壁中禪。
青城不得師同住，坐想滄江意浩然。

重陽

雲水疎黃秋滿川，茱萸風裏一樽前。
幾回爲客逢佳節，曾見何人再少年。
霜報征衣冷，針指雁驚幽隱泣雲泉。
古來醉樂皆難得，畱取窮通委上天。

憶白居易

宣宗皇帝

綴玉聯珠六十年，誰教冥路作詩仙。
浮雲不繫名居易。

韋諷詩集

先

造化無爲字樂天童子解吟長恨曲樂人能唱琵琶篇
文章已滿行人耳一度思卿一愴然

和人題真娘墓

李商隱

虎丘山下劍池邊長遣遊人歎逝川
冓樹斷絲悲舞席
出雲清梵想歌筵柳眉空吐效顰
葉榆莢還飛買笑錢
一自香魂招不得祇應江上獨嬋娟

錦瑟

錦瑟無端五十絃一絃一柱思華年
莊生曉夢迷蝴蝶
皇帝春心託杜鵑滄海月明珠有淚
藍田日暖玉生烟
此情可待成追憶只是當時已惘然

奉天西佛寺

溫庭筠

憶昔狂童犯順年，玉虬閒暇出甘泉。
宗臣欲舞千鈞劍，追騎猶觀七寶鞭。
星背紫垣終掃地，日歸黃道却當天。
至今南頓諸耆舊，猶指榛蕪作弄田。

和趙嘏題岳寺

疎鐘細磬亂鳴泉，客省高臨似水天。
嵐翠暗來空覺潤，洞茶餘爽不成眠。
越僧寒立孤燈外，岳月秋當萬木前。
張邴宦情何太薄，遠公窗外有池蓮。

蘇武廟

蘇武竟銷漢使前，古祠高樹兩茫然。
雲邊雁斷天月

隴上羊歸塞草烟
回日樓臺非甲帳
去時冠劍是丁年
茂陵不見封侯印
空向秋波哭逝川

宿杜城_人友李羽處士故墅

柳不成絲草帶烟
海槎東去鶴歸天
愁腸斷處春何限
病眼開時月正圓
花若有情還悵望
水應無事莫潺湲
終知此恨消難盡
辜負南華第二篇

却經商山寄惜同行友人

曾讀逍遙第一篇
爾來無處不恬然
便同南郭能忘象
兼笑東林學坐禪
人事轉新花爛熳
客程依舊水潺湲
若教猶作當時意
應有垂絲在鬢邊

敬答李先生

七里灘聲舜廟前
杏花初盛草芊芊
綠昏晴氣春風岸
紅漾輕輪野水天
不爲傷離成極望
更因行樂惜流年
一瓢無事麝裘暖
手弄溪波坐釣船

贈南岳僧

李遠

曾住衡陽岳寺邊
門開江水與雲連
數州城郭藏寒樹
一片風帆著遠天
猿嘯不離行道處
客來皆到卧牀前
今朝惆悵紅塵裏
惟憶閒堂盡日眠

送沈卓少府任江都

許渾

一作趙嘏

煬帝都城春水邊
笙歌夜上木蘭船
三千宮女自塗地

三才詩集
二十
十萬人家如洞天艷艷花枝官舍晚重重雲影寺牆連
少年作尉須兢慎莫向樓前墮馬鞭

元處士自洛歸宛陵山居見示詹事相公餞行之

什因贈

紫霄峯下絕韋編舊隱相如結襪前月落尚畱東閣醉
風高還憶北窗眠江城夜別瀟瀟雨山檻晴歸漠漠烟
一頃豆花三頃竹想應拋却釣魚船

與韓鄭二秀才同舟東下洛中親友送至景雲亭

下

三十六峯橫一川綠陂無路草芊芊牛羊晚食鋪平地

鵬鶚晴飛摩遠天
洛客盡回臨水寺
楚人皆逐下江船
東西未有相逢日
更把繁華共醉眠

嘗與故宋補闕秋夕遊練湖南亭今復登賞愴然有感

西風渺渺月連天
同醉蘭舟未十年
鵬鳥賦成人已歿
嘉魚詩在世空傳
榮枯盡寄浮雲外
哀樂猶驚逝水前
日暮長堤更回首
一聲鄰笛舊山川

東望

趙嘏

楚江橫在草堂前
楊柳洲邊載酒船
兩見梨花歸不得
每逢寒食一潸然
斜陽映閣山當寺
微綠含風樹滿川

同郡故人攀桂盡把詩吟向沅寥天

憶山陽

家在枚臯舊宅邊竹軒晴與楚坡連
芰荷香遶垂鞭袖楊柳風橫弄笛船
城礙十洲烟島路寺臨千頃夕陽川
可憐時節堪歸去花落猿啼又一年

答友人

詩家才子酒家仙遊宦曾依積水邊
窗戶動搖三島樹琴樽安穩五湖船
羅浮道士分瓊液錦席佳人艷楚蓮
今日相逢朗吟罷滿城砧杵一燈前

九華觀廢月池

一作題昭華公主廢池館

薛逢

曾發簫聲水檻前
夜蟾寒沼兩嬋娟
微波有恨終歸海
明月無情却上天
白鳥帶將林外雪
綠荷枯盡渚中蓮
榮華不肯人間住
須讀莊生第一篇

平陽偶懷

薛能

晉國風流沮洳川
家家絃管路岐邊
曾爲郡職隨分竹
亦作歌詞乞采蓮
北榭遠峯閒卽望
西湖殘景醉常眠
墻花此日休迴避
不是當時惡少年

晚春

征東畱滯一年年
又向軍前遇火前
畫出鷁舟宜板襖
鏤成雞卵有鞦韆
澄明野水孤城立
狼籍風花落日眠

三
生
不
言
集
三
賴指清和櫻筍熟不然愁殺暮春天

送李倍廵官歸永樂舊居

羨君歸去五峰前往往星河實見仙
麥隴夏枯成廢地
棗枝秋赤近高天山
泉飲犢流多變村酒經蠶味可憐
旨約道門終老在步虛聲裏寄閒眠

自廣漢遊三學山

殘陽終日望棲賢歸路携家得訪禪
世缺一來應薄命
卜畱三宿是前緣詩題不忍離岩下
屐齒難忘在水邊
寫可知僧可會此心常似有香烟

露

韓琮

隨聖澤墮堯天濯遍幽蘭葉葉鮮纔喜輕塵銷陌上
心愁新月到堦前文騰要地成非久珠綴秋荷偶得圓
花枝抱離恨曉風殘月正潸然

旅館書懷

劉滄

愁看庭樹換風烟兄弟飄零寄海邊客計倦行分陝路
家貧休種汶陽田雲低遠塞鳴寒雁雨歇空山噪暮蟬
落葉蟲絲滿窗戶秋堂獨坐思悠然

留別復本修古二上人

二遠相知是昔年此身長寄禮香烟綠蕪風晚水邊寺
清磬月高林下禪臺殿虛窗山翠入梧桐疎葉露光懸

西峯話別又須去終日關山在馬前

宛陵送李明府罷任歸江州

來鵬

菊花村晚雁來天共把離觴向水邊
官滿便尋垂釣侶家貧已用賣琴錢
浪生湓浦千層雪雲起爐峯一炷烟
儻見吾鄉舊知己爲言憔悴過年年

鄂渚除夜書懷

鸚鵡洲頭夜泊船此時形影共凄然
難歸故國干戈後欲告何人雨雪天
筇撥冷灰書悶字枕陪寒席帶愁眠
自嗟落魄無成事明日春風又一年

過蠻溪渡

崔櫓

綠楊如髮雨如烟立馬危橋獨喚船山口斷雲迷舊路
渡頭芳草憶前年身隨遠道徒悲梗詩賣明時不值錢
歸去楚臺還有計釣船春雨日高眠

旅次岳陽寄京中親故

曹鄴

君山南面浪連天一客愁心兩處懸身逐片帆歸楚澤
魂隨流水向秦川月回浦北千尋雪樹出湖東幾點烟
更欲登樓向西望北風吹上洞庭船

黃陵廟

李羣玉

小姑洲北浦雲邊二女明粧共儼然野廟向江春寂寂
古碑無字草芊芊東風近墓吹芳芷落日深山哭杜鵑

猶似含顰望巡狩九疑如黛隔湘川

石門韋明府爲致東陽潭石鯽鱠

錦鱗銜餌出清漣暖日江亭動鱸筵
疊雪亂消飛箸底散絲繅灑拂刀前
太湖浪說朱衣鮒漢浦休誇縮項鰻
雋味品流知第一更勞霜橘助芳鮮

湖寺清明夜遣懷

柳暗花香愁不眠獨凭危檻思淒然
野雲將雨渡微月沙鳥帶聲飛遠天
久向饑寒拋弟妹每因時節憶團圓
飭食冷酒明年在未定萍蓬何處邊

江亭春霽

李郢

江蘿漠漠荇田田江上雲亭霽景鮮蜀客帆檣背歸燕

一作雁

楚山花木怨啼鶉春風掩映千門柳曉色淒涼萬

井烟金磬泠泠水南寺上方僧室翠微連

早秋書懷

高梧一葉墜涼天宋玉悲秋淚灑然霜拂楚山頻見菊
雨零溪樹忽無蟬虛村暮角催殘日近寺歸僧寄野泉
青鬢已緣多病鑷可堪風景促流年

湖口送友人

李頻

中流欲暮見湘烟岸葦無窮接楚天去雁遠衝雲夢澤
離人獨上洞庭船風波盡日依山轉星漢通宵向水懸

三堂不讀書
零落梅花過殘臘故園歸去又新年

題龜山穆上人院

方干

修持白髮過半百日在月來心更堅牀上水雲隨坐夏
林西山月伴行禪寒蛭遠韻來窗裏白鳥斜行起砌邊
我愛尋師師訪我只因尋訪是因緣

送浙東王侍郎入朝

曾將苦節酬清秩肯要龐眉一箇錢恩愛已蘇勾踐國
程途却上大羅天池魚菊島還公署沙鶴松栽入畫船
密奏無非經濟術從容幾刻在爐烟

送杭州李員外

政成何用滿三年上界羣仙待謫仙
便刷新恩歸紫禁還從舊路上青天
笙歌怨咽當離席更漏丁東在畫船
心恐駐班留立位前頭咫尺是爐烟

宋從事

出衆仙才是謫仙裁霞曳繡一篇篇
雖將潔白酬知己自有風流助少年
欹枕臥吟荷葉雨持杯坐醉菊花天
冥搜太苦神應乏心在虛無更那邊

早春以橘子寄魯望

皮日休

箇箇和枝葉捧鮮彩凝猶帶洞庭烟
不爲韓嫣金丸重直是周王玉果圓
剖似日覓初破後弄如星髓未銷前

知君多病仍中聖盡送寒苞向枕邊

送李明府之任南海

五羊城在蜃樓邊墨綬垂腰正少年山靜不應聞屈鳥
江深從使翳貪泉
蠅奴晴上臨潮檻燕婢秋隨過海船
一事與君消遠宦乳蕉花發訟庭前

寒夜文宴

分明競襲七香箋王朗風姿盡列仙
盈篋共開華頂藥
兩瓶同坼惠山泉
蠅因霜重金膏溢橘爲風多玉腦鮮
罷不知詩首數隔林明月過中天

題支山南峯僧

侵袞衲重隈肩不下南峯不記年池裏羣魚曾受戒
間孤鶴獨參禪雞頭竹上開危徑鴨腳花中擣廢泉
限吳都堪賞事何如來此看師眠

送浙東德師侍御罷府西歸

廷安才子太微仙暫上金臺許二年形影欲歸溫室樹
夢竟猶傍越溪蓮空將海月爲京信尚使樵風送酒船
從此受恩知有處免爲傖鬼恨吳天

訪寂上人不遇

何處尋雲暫廢禪客來還寄草堂眠桂寒自喜初經素
石冷空消洗鉢泉爐裏尚飄殘玉篆龕中仍鎖小金仙

須將二百籤廻去得得支公恐隔年

醉中卽席贈潤卿博士

適越遊吳一散仙銀餅玉柄兩翛然茅山頂上携書簞
笠澤心中漾酒船桐木布溫吟倦後桃花飯熟醉醒前
謝安四十餘方起猶自高閒得數年

過雲居院玄福上人舊居

重到雲居獨悄然隔窗窺影尚疑禪不逢野老來聽法
猶見隣僧爲引泉龕上已生新石耳壁間空帶舊茶烟
南京策子時時到泣把山花奠几筵

送從弟歸復州

美爾優游正少年
竟陵烟月似吳天
車螯近岸無妨取
舴艋隨風不費牽
處處路傍千頃稻
家家門外一渠蓮
慇懃莫笑襄陽住
爲愛南遊縮項鰻

次題支山南峯僧

陸龜蒙

眉毫霜細欲垂肩
自說初棲海岳年
萬壑烟霞秋後到
一林風雨夜深禪
時翻貝葉添新藏
閒插松枝護小泉
好是清冬無外事
匡牀齋罷向陽眠

奉送浙東德師侍御罷府西歸

王謝遺踪玉籍仙
三年閒上鄂君船
詩懷白閣僧吟苦
俸買青山鶴價偏
行次野楓臨遠水
醉中衰菊臥涼烟

芙蓉散盡西歸去惟有山陰九萬牋

奉和襲美寄瓊州楊舍人

明時非罪謫何偏鵬鳥巢南更數千酒滿椰杯消毒霧
風隨蕉扇下瀧船人多藥戶行狂蠱吏有珠官出俸錢
祇以直誠天自信不勞詩句詠貪泉

二遺詩

并序

二遺者何石枕材琴薦也石者何松之所化也
化於何越之東陽也東陽多名山就中金華爲
最枝峯蔓壑秀氣磅礴者數百里不啻神仙登
臨草木芬怪永康之地亦蟬聯其間中饒占松

往往化而爲石盤根大柯文理具折盡爲好事
者得而致于人間以爲耳目之異太山羊振文
得枕材趙郡李中秀得琴薦皆茲石也咸以遺
予予以二遺之奇聊賦詩以謝

誰從毫末見參天又到蒼蒼化石年萬古清風吹作籟

一條寒溜滴成穿

一作川

閒追金帶徒勞恨靜格

音各

朱絲

更可憐幸與野人俱散誕不煩良匠更雕鐫

別墅懷歸

水國初冬和暖天南榮方好背陽眠題詩朝憶復暮憶
見月上弦還下弦遙爲晚花吟白菊近炊香稻識紅蓮

王堂詩集
何人壽我黃金百買取蘇君負郭田

小雪後書事

時候頻過小雪天江南寒色未曾偏
楓汀尚憶逢人別麥隴惟應欠雉眠
更擬結茆臨水次偶因行藥到村前
隣翁意緒相安慰多一作說明年是稔年

浙東罷府西歸魯望襲美皆有佳篇因用酬別

李穀

豈有頭風筆下痊浪成蠻語向初筵
蘭亭舊址雖曾見柯笛遺音更不傳
照曜文星吳分野留連花月晉名賢
相逢只恨相知晚一曲驪歌又幾年

寄南嶽僧

李洞

新秋日後曬書天白日當松影却圓五字句求方寸佛
一條街擘兩行蟬不曾著事于機內長合教山在眼前
花落儔公房外石調猿弄虎歎無緣

贈昭應沈少府

行宮接縣判雲泉袍色雖青骨且仙鄂杜憶過梨栗墅
瀟湘曾棹雪霜天華山僧別留茶鼎渭水人來鎖釣船
東送西迎終幾考新詩覓得兩三聯

春日卽事寄一二知己

浴馬池西一帶泉開門景物似樊川朱衣映水人歸縣

三
白羽遺泥鶴上天
索米夜燒風折木
無驢春養雪藏鞭
縉紳處士知章句
忍使孤窗枕淚眠

斃驢

寒
秋斃瘞荒田忍把敲
吟舊竹鞭三尺桐
輕背殘月
一條藤瘦卓寒烟
通吳白浪寬圍國
倚蜀青山峭入天
海門指肘望阿誰
教買釣魚船

廢寺閒居寄懷一二罷舉知己

石廢廟冷冷烟無力
爭飛類病蟬槐省老
郎蒙王棄
孤客望誰憐
稅房兼得調猿石
租地仍分浴鶴泉
世堪驚又堪愧
一坡山色不論錢

題子姪書院雙松

曹唐

種雙松費幾錢
頓令院落似秋天
能藏此地新晴雨
惹空山舊燒烟
枝壓細風過枕上
影籠殘月到窗前
教取次成閒夢
使汝悠悠十八年

三國志丁公固幼時夢松生其腹謂

人曰松字乃十八公也
後十八年吾其爲公平

紫河張休真

琪樹扶疎壓瑞烟
玉皇朝客滿花前
山川到處成三月
祓竹經時卽萬年
樹石冥茫初縮地
盃盤狼籍未朝天
果風小飲人皆醉
從聽黃龍枕水眠

重陽日訪元秀上人

鄭谷

紅葉黃花秋景寬
醉吟朝夕在樊川
却嫌今日登山俗
且共高僧對榻眠
別畫長懷吳寺壁
宜茶偏賞雪溪泉
歸來童稚爭相笑
何事無人與酒船

江際

杳杳漁舟破暝烟
疎疎蘆葦舊江天
那堪流落逢搖落
可得潛然是偶然
萬頃白波迷宿鷺
一林黃葉送殘蟬
兵車未息年華促
早晚閒吟向漣川

駕部鄭郎中三十八
大尹貳河東
聞榮加金紫
谷以末派之外
恩舊事深因賀送

香浮玉陛曉辭天
袍拂蒲茸稱少年
郎署轉曹雖久次

京河亞尹是優賢縱遊雲水無公事貴集

一作買

琴書有

俸錢今日龍門看松雪探春明日向平泉

宗人作尉唐昌官署幽勝而又博學精富得以言

譚將欲他之留書屋壁

公堂瀟灑有林泉祇隔苔牆是渚田宗黨相親離亂世
春秋閒論戰爭年遠江驚鷺來池口絕頂歸雲過竹邊
風雨夜長同一宿舊遊多共憶樊川

省中偶作

三轉郎曹自勉旃莎階吟步想前賢未如何遜無佳句
若比馮唐是壯年捧制名題黃紙尾約僧心在白雲邊

乳毛松雪春來好直夜清閒且學禪

中年

漠漠秦雲淡淡天新年景象入中年情多最恨花無語
愁破方知酒有權苔色滿牆思故第雨聲入夜憶春田
衰遲自喜添詩學更把前題改數聯

宜春再訪芳公言公幽齋寫懷敘事因賦長言

入門長恐先師在香印紗燈似昔年澗路縈迴齋處遠
松堂虛豁講聲圓頃爲弟子曾同社今忝星郎更契緣
顧渚一甌春有味中林話舊亦潯然

贈溧水崔少府

杜荀鶴

庭戶蕭條燕雀喧日高窗下枕書眠
祗聞留客教沽酒未省逢人說
斜錢洞口禮星披鶴氅溪頭吟月上漁船
九華山叟心相許不計官卑贈一篇

送蜀客遊維揚

見說西川景物繁維揚景物勝西川
青春花柳樹臨水白日綺羅人
上船夾岸畫樓難惜醉數橋明月不教眠
送君懶問君回日才子風流正少年

憶山泉

吳融

穿雲落石細湔湔盡日疑聞弄
筦絃千仞灑來寒碎玉一泓淡去碧涵天
烟迷葉亂尋難見月好風清聽不眠

春雨正多歸未得只應流恨更潺湲

過九成宮

鳳輦東歸二百年九成宮殿半荒阡魏公碑字封蒼蘚

魏文貞

徵有碑文帝泉聲落野田

太宗行幸有
靈泉自湧

碧草新霑仙掌

露綠楊猶憶御爐烟昇平舊事無人說萬疊青山但一

川

子規

舉國繁華委逝川羽毛飄蕩一年年他山叫處花成血
舊苑春來草似烟雨暗不離濃綠樹月斜長弔欲明天
湘江日暮聲淒切愁殺行人歸去船

寒食重遊李氏園亭有懷

韓偓

往年同在鸞橋上見倚朱闌咏柳綿今日獨來香逕裏
更無人跡有苔錢傷心澗別三千里屈指思量四五年
料得他鄉遇佳節亦應懷抱暗淒然

三月

辛夷纔謝小桃發踏青過後寒食前四時最好是三月
一去不迴惟少年吳國地遙江接海漢陵覓斷草連天
新愁舊恨知無奈須就鄰家甕底眠

寄滑州文秀大師

劉兼

分飛屈指十三年菡萏峯前別社蓮薄宦偶然來左蜀

雲何事在南燕一封瑤簡音初達兩處金沙色共圓
重湯休惠佳句郡齋吟久不成眠

題宛陵北樓

鄭準

來風靜綠蕪鮮凭著朱闌思浩然人語獨耕燒後嶺
飛斜沒望中烟松梢半露藏雲寺灘勢橫流出浦船
遣謝宣城不死必應吟盡夕陽川

秋江夜泊寄劉鈞

李中

千里江山歛暮烟旅情當此獨悠然沙汀月冷帆初卸
一岸風多人未眠已聽漁翁歌別浦更堪邊雁過遙天

君共俟酬身了結侶波中寄釣船

題吉水縣廳前新栽小松

剝開幽澗蘚苔斑移得孤根植砌前影小未遮官舍月
翠濃猶帶舊山烟羣花解笑香寧久衆木雖高節不堅
刪我婆娑闌檻內晚風蕭颯學幽泉

送李秀才歸荆溪

韋莊

八月中秋月正圓送君吟上木蘭船人言格調勝玄度
我愛篇章敵浪仙晚渡去時衝細雨夜灘何處宿寒烟
楚王宮去陽臺近莫倚風流滯少年

長安清明

早是傷春夢雨天可堪芳草更芊芊內官初賜清明火

上相閒分白打錢紫陌亂嘶紅叱撥綠楊高映畫鞦韆
遊人記得承平事暗喜風光似昔年

洪州送西明寺省上人遊福建

記得初騎竹馬年送師來往御溝邊荆榛已失當時路
槐柳全無舊日烟遠自嵇山遊楚澤又從廬岳去閩川
新春闕下應相見紅杏花中覓酒仙

南昌晚眺

南昌城郭枕江烟章水悠悠浪拍天芳草綠遮仙尉宅
落霞紅襯賈人船霏霏閣上千山雨嘒嘒雲中萬樹蟬
怪得地多章句客庾家樓在斗牛邊

病中聞相府夜宴戲贈集賢盧學士

滿筵紅蠟照香鈿
一夜歌鐘欲沸天
花裏亂飛金錯落
月中爭認綉連乾
樽前莫話詩三百
醉後寧辭酒十千
無那兩三新進士
風流長得飲徒憐

過羅員外袞

黃滔

灞陵橋外駐征轅
此一分飛十六年
豸角戴時垂素髮
雞香含處隔青天
綺園難貯林棲意
班馬須持筆削權
可忘自初相識地
秋風明月客鄜延

贈鄭明府

庭羅衙吏眼看山
真恐風流是謫仙
垂柳五株春姪姁

三
鳴琴一弄水潺湲援毫斷獄登殊考駐樂題詩得出聯
莫起陶潛折腰歎才高位下始稱賢

題王處士山居

李咸用

雲水沉沉夏亦寒此中幽隱幾經年無多別業供王稅
大半生涯在釣船蜀魄叫迴芳草色鷺鷥飛破夕陽烟
干戈蝟起能高臥只箇逍遙是謫仙

寄京闕陸郎中昆仲

羅隱

柏臺蘭樹四周旋賓榻何妨鴈影連纔見玳簪欹細柳
便知油幕勝紅蓮家從入洛聲名大跡爲依劉事分偏
爭奈亂離人漸少麥城新賦許誰傳

山陽貽友人

羅鄴

性僻多將雲水便山陽酒病動經年行遲暖陌花闌馬
睡重春江雨打船閒弄玉琴雙鶴舞靜窺庭樹一猿懸
結茅更莫期溪隱聲價如今滿日邊

貽釣魚李處士

譚用之

罷吟鸚鵡草芊芊又泛鴛鴦水上天一棹冷涵楊柳雨
片帆香挂芰荷烟綠搖江淡萍離岸紅點雲疎橘滿川
何處邈將歸畫府數莖紅蓼一漁船

送僧中孚南歸

琵琶峽口月溪端玉乳

王乳應作石乳今夔州有石乳山

頭陀憶舊川

一錫冷涵蘭逕路片帆香挂橘洲烟苔封石錦棲霞室
水迸衣珠噴玉蟬莫道翩翩去如夢本來吟鳥在林泉

寄左先輩

狂歌白鹿上青天何似蘭塘釣紫烟萬卷祖龍坑外物
一泓孫楚耳中泉翩翩蠻榼薰晴浦轂轆魚車響夜船
學取青蓮李居士一生杯酒任神仙

門外閒田數畝長有泉源因築直堤分爲兩沼

徐寅

左右澄漪小檻前直堤高築古平川十分春水雙簷影
一片秋空兩月懸前岸好山搖細浪夾門嘉樹合晴烟

坐來暗起江湖思，速問溪翁買釣船。

溪上要一隻白簾，扇蓋頭垂釣。去年就節推侍御，請之蒙惠一柄。紫花紋者，雖則鱗華具在，紕薄不及清源所出。因就南郡陳常侍請之，遂成拙句。

難求珍筴過炎天，遠就金貂乞月圓。直在引風欹角枕，且圖遮日上漁船。但令織取無花簾，不用挑爲飲露蟬。莫道如今時較晚，也應留得到明年。

尚書惠蠟面茶

武夷春暖月初圓，採摘新芽獻地仙。飛鵲印成香蠟片，

啼猿溪走木蘭船
金槽和碾沉香末
冰椀輕涵翠縷烟
分贈恩深知最異
晚鐙宜煑北山泉

詠寫真

寫得衰容似十全
閒開僧舍靜時懸
瘦於南國從軍日
老却東堂射策年
潭底看身寧有異
鏡中引影更無偏
借將前輩真儀比
未愧金鑒李謫仙

紙被

文采鴛鴦罷合歡
細柔輕綴好魚箋
一牀明月益歸夢
數尺白雲籠冷眠
披對勁風溫勝酒
擁聽寒雨暖于綿
赤眉豪客見皆笑
却問儒生直幾錢

寺居陸處士相訪感懷却寄二三友人

李建勲

湘寺閒居亦半年就中昨夜好潛然人歸遠岫疎鐘後
一打高杉古屋前投足正逢他國亂冥心未解祖師禪
漏烟向冷孤燈下惟有寒吟到曙天

長安道中早行

張泌

客離孤館一燈殘牢落星河欲曙天雞唱未沉函谷月
鴈聲新度灞陵烟浮生已悟莊周夢壯志仍輸祖逖鞭
何事悠悠策羸馬此中辛苦過流年

洞庭阻風

王豈休

先

空江浩蕩景蕭然盡日孤蒲泊釣船
青草浪高三月渡綠楊花撲一溪烟
情多莫舉傷春日愁極兼無買酒錢
猶有漁人數家住不成村落夕陽邊

春日旅泊桂州

暖風芳草竟芊綿多病多愁負少年
弱柳未勝寒食雨好花爭奈夕陽天
溪邊物色宜圖畫林畔鶯聲似管絃
獨有離人開淚眼強憑杯酒亦潸然

晚秋同何秀才溪上

伍喬

閒步秋光思杳然荷藜因共過林烟
期收野藥尋幽路欲採溪菱上小船
雲吐晚陰藏霽岫柳含餘靄咽殘蟬

倒樽盡日忘歸處山磬數聲敲暝天

僻居酬友人

僻居雖愛近林泉幽逕閒居碧蘚連
向竹掩扉隨鶴息就溪安石學僧禪
古琴帶月音聲亮一作正山果經霜氣
味全多謝故交憐樸棗隔雲時復寄佳篇

懷廬山舊隱

僧若虛

九疊芙蓉倚著天悔隨寒瀑下岩烟
浹秋猿鳥來心上靜夜松杉到眼前
書架想遭苔蘚裹石窗應被薜蘿纏
一枝筇杖遊江北不見爐峯二十年

送泰禪師歸南嶽

僧齊己

石龕閒鎖白雲邊
歸去程途半在船
林簇曉霜離水寺
路穿新燒入山泉
已尋嵐壁臨空盡
却看星辰向地懸
有興寄題紅葉上
不妨收拾別爲編

題棲霞僧舍

處默

名山不取買山錢
任搆花宮近碧巔
松檜老依雲裏寺
樓臺深鎖洞中天
風經險障迴疎雨
石倚危屏挂落泉
欲結茅庵共師坐
肯饒多少薜蘿烟

于仵佛肩

全校

于星燦仲葉

玉堂才調集

蕭

人日侍宴大明宮恩賜綵縷人勝應制

李嶠

鳳城景色已含韶
人日風光倍覺饒
桂吐半輪迎此夜
蓂開七葉應今朝
魚猜水凍行猶澁
鶯喜春熙弄欲嬌
愧奉登高搖彩

紀事作紫

翰欣逢御氣上丹霄

和上巳連寒食有懷京洛

沈佺期

一刻孫逖

天津御柳碧遙遙
軒騎相從半下朝
行樂光輝寒食借

一作倍

太平歌舞晚春饒
紅妝樓下東迴輦
青草洲邊南

三
空
渡橋坐見司空掃西第看君侍從落花朝

出塞作

王維

居延門外獵天驕白草連天野火燒暮雲空磧時驅馬
秋日平原好射鵬護羌校尉朝乘障破將軍夜渡遠
玉靶角弓珠勒馬漢家將賜霍嫖姚

閣夜

杜甫

歲暮陰陽催短景天涯霜雪霽寒宵五更鼓角聲悲壯
三峽星河影動搖野哭千家聞戰伐吞歌幾處起漁樵
臥龍躍馬終黃土人事音書漫寂寥

贈田九判官梁丘

崆峒使節上青霄
河隴降王欵聖朝
宛馬總肥春苜蓿
將軍只數霍嫖姚
陳留阮瑀誰爭長
京兆田郎早見招
麾下賴君才並人
獨能無意向漁樵

玉臺觀

中天積翠玉臺遙
上帝高居絳節朝
遂有馮夷來擊鼓
始知羸女善吹簫
江光隱見鼉鼉窟
石勢參差烏鵲橋
更有紅顏生羽翰
便應黃髮老漁樵

野望

西山白雪三城戍
南浦清江萬里橋
海內風塵諸弟隔
天涯涕淚一身遙
惟將遲暮供多病
未有涓埃答聖朝

言集
跨馬出郊時極目不堪人事日蕭條

送孫十尉溫縣

錢起

飛花落絮滿河橋千里鄉心送客遥
不惜芸香染黃綬
惟憐鴻羽下青霄雲衢有志終驪首
吏道無媒且折腰
急管繁絃催一醉頽陽不駐引征鑣

題章野人山居

秦系

帶郭茅亭詩興饒回看一曲倚危橋
門前山色能深淺
壁上湖光自動搖閒花散落填書帙
戲鳥低飛礙柳條
向此隱來經幾載如今已是漢家朝

送丹陽劉太真

韓翃

長干道上落花朝。羨爾當年賞事饒。下筇已憐鵝炙美。
開籠不奈鴨媒嬌。春衣晚入青楊巷。細馬初過皂莢橋。
相訪不辭千里遠。西風好借木蘭橈。

贈王隨

青雲自致晚應遙。朱邸新昏樂事饒。飲罷更憐雙袖舞。
試來偏愛五花驕。帳裏爐香春夢曉。堂前燭影早更朝。
更說毬場新雨歇。王孫今日定相邀。

送李明府使蘇州便赴告期

莫言水國去迢迢。白馬吳門見不遙。楓樹林中經楚雨。
木蘭舟上蹋江潮。空山古寺千年石。草色寒堤百尺橋。

三
早晚盧家蘭室外
珊瑚玉珮徹清霄

送周長史

李端

青楓樹裏宣城郡
獨佐諸侯上板橋
江客亦能傳好信
山僧多解說南朝
雲陰出浦看帆小
草色連天見鴈遙
別有空園落桃杏
知將絲組繫蘭橈

寄成都元十八侍御

戎昱

不見元生已數朝
浣花溪路去非遙
客舍早知渾寂寞
交情豈謂更蕭條
空有寸心思會面
恨無單酌遣相邀
驪駒應自能馳驟
何惜揮鞭過柞橋

贈李杭州

張籍

僧郎白首未歸朝
應爲蒼生領六條
惠化州人盡清淨
高情野鶴共逍遙
竹間虛館無朝訟
山畔青田長夏苗
終日政餘長獨坐
開門惟望浙江潮

贈王秘書

在山東聲價遠
曾將奇策佐嫖姚
賦來詩句無閒語
老去官班未在朝
身屈祇聞詞客說
家貧多見野僧招
獨從書閣歸時晚
春水渠邊看柳條

馬上晚吟

白居易

人少街荒已寂寥
風多塵起重蕭條
上陽落葉飄宮樹
中渡流澌擁渭橋
出早冒寒衣校薄
歸遲侵黑酒全消

如今不是閒行日日短天陰坊曲遙

喜楊六侍御同宿

岸幘靜言明月夜匡牀閒臥落花朝二三月裏饒春睡
七八年來不早朝濁水清塵難會合高鵬低鷁各逍遙
眼看又上青雲去更卜同衾一兩宵

正月三十閒行

黃鸝巷口鶯欲語烏鵲河頭冰欲銷

黃鸝坊名
烏鵲河名

綠浪東

西南北水紅欄三百九十橋

蘇之官
橋之數

鴛鴦蕩漾雙雙翅

楊柳交加萬萬條借問春風來早晚只從前日到今朝

病中數會張道士見譏以此答之

亦知數出妨將息不可端
居守寂寥病卽藥窗眠盡日
興來酒席坐通宵賢人易狎
須勤飲姤女難禁莫謾燒
張道士輪白道士一杯沉瀝
便逍遙

吳秘監每有美酒獨酌獨醉
但蒙詩報不以飲招
輒此戲酬兼呈夢得

蓬山仙客下烟霄對酒惟吟
獨酌謠不怕道狂揮玉爵
亦曾乘興換金貂君稱名士
誇能飲我是愚夫肯見招
賴有伯倫爲醉伴何愁不解
傲松喬

初秋忽奉詔除浙東觀察使
檢校右貂

李紳

龍樓寄引簪裾客鳳闕陪趨朔望朝疏受杜門期脫屣
買臣歸邸忽乘輅印封龜紐知頒爵冠飾蟬綏更珥貂
飛詔寵榮歡里舍豈徒斑白與垂髫

送崔約秀才

賈 島

幽寧彷彿三千里月向船窗見幾宵野鼠獨偷高樹果
前山漸見短禾苗更深柵鎖淮波疾葦動風生雨氣遙
早入石頭城下寺南朝杉老未乾焦

送盛秀才赴舉

姚 合

里重吳越浙江潮刺史何門始得消五字州人惟有此
鄰風景合相饒橋村籬落香潛度竹寺虛空翠自飄

九衢須說我病成疎懶趨朝

詠鶯

春來溪谷雪方消鶯別寒林傍翠條到處爲憐烟景好
隔簾多愛語聲嬌不同蜀魄啼殘月惟逐天雞嘯詰朝
婦聽時思舊曲玉樓從此動雲韶

柘枝

章孝標

柘枝初出鼓聲招花鈿羅衫聳細腰移步錦靴空綽約
迎風綉帽動飄飄亞聲踏節鸞形轉背面羞人鳳影嬌
祇恐相公看未足便隨風雨上青霄

茂陵

李商隱

漢家天馬出蒲稍
苜蓿榴花徧近郊
內苑只知含鳳嘴
屬車無復插雞翹
瑤池宴罷留王母
金屋修成貯阿嬌

誰料蘇卿老歸國
茂陵松柏雨瀟瀟

按史武宗好遊獵及武戲親受道士

趙歸真法錄又漢寵王才人欲立爲后此詩全是託諷

梓州罷吟寄同舍

不揀花朝與雪朝
五年從事霍嫖姚
君緣接座交珠履
我爲分行近翠翹
楚雨含情皆有託
漳濱多病竟無聊
長吟遠下燕臺去
惟有衣香染未銷

柳

江南江北雪初消
漠漠輕黃惹嫩條
灞岸已攀行客下

楚宮先騁舞姬腰
清明帶雨臨官道
晚日含風拂野橋
如線如絲正牽恨
王孫歸路一何遙

寄河南杜少尹

溫庭筠

十載歸來鬢未彫
玳簪朱履見常僚
豈關名利分榮路
自有才華作慶霄
鳥影參差經上苑
騎聲相續過中橋
夕陽亭畔山如畫
應念田歌正寂寥

經舊遊

珠箔金鈎對綵橋
昔年於此見嬌嬈
香燈悵望飛瓊鬢
涼月殷勤碧玉簫
屏倚故窗山六扇
柳垂寒砌路千條
壞牆經雨蒼苔遍
拾得當時舊翠翹

送國碁王逢

杜牧

王子紋楸一路饒最宜簷雨竹蕭蕭羸形暗去春泉長
拔勢橫來野火燒守道還如周伏柱鑒兵不羨霍嫖姚
得年七十更萬日與子期於局上銷

宣州送裴坦判官往舒州

口暖泥融雪半銷行人芳草馬蹄驕九華山路雲遮寺
河弋江邨柳拂橋君意如鴻高的的我心懸旆正搖搖
同來不得同歸去故國逢春一寂寥

送前東陽于明府由鄂渚歸故林 許渾

結束征車換黑貂瀟瀟西風雨正蕭蕭茂陵久病書千卷

彭澤初歸酒一瓢
颿背夕陽溢水澗
棹經滄海飯山遥
殷勤爲謝南溪客
白首螢窗未見招

題靈山寺行堅師院

西巖一徑不通樵
八十持盃未覺遥
龍臥石潭聞夜雨
鴈移沙渚見秋潮
經函露濕文多暗
香印風吹字半銷
應笑東歸又南去
越山無路水迢迢

送薛秀才南遊

姑蘇城外柳初彫
同上江樓更寂寥
遶壁舊塵風漠漠
對窗寒竹雨蕭蕭
憐君別路隨秋鴈
盡我離觴任晚潮
從此草玄應有處
白雲青草一相招

除歙州途中寄座主王侍郎

盧肇

忽忝專城奉六條
自憐出谷屢遷喬
驅車雖道還家近
捧日惟愁去國遙
朱戶昨經新檠戟
風帆常覺戀簞瓢
江天夜夜知消息
長見台星在碧霄

送李休秀才歸嶺中

劉滄

南泛孤舟景自饒
蒹葭汀浦晚蕭蕭
秋風漢水旅愁起
寒木楚山歸思遙
獨夜猿聲和落葉
空江月色帶回潮
故園新過重陽節
黃菊滿籬應未彫

鄂州頭陀寺上方

李頻

高寺上方無不見
天涯行客思迢迢
西江帆挂東風急

夏口城銜楚塞遙沙渚漁歸多涇網桑林蠶後盡空條
感時歎物尋僧話惟向禪心得寂寥

再題龍泉寺上方

方干

牛斗正齊羣木末鳥行橫截衆山腰路盤砌下兼穿竹
井在巖頭亦統潮海岸四更看日出石房三月任花燒
未能割得繁華去難向此中甘寂寥

敘雪寄喻鳧

密片繁聲旋不消縈風雜霰轉飄飄澄江莫蔽長流色
衰柳難粘自動條濕氣添寒酤酒夜素花迎曙卷簾朝
此時門徑無行跡惟望徽之問寂寥

病中美景頗阻追遊因寄魯望

皮日休

癭牀閒臥晝迢迢惟把真如慰寂寥
南國不須收薏苡百年終竟是芭蕉
藥前美祿應難斷枕上芳辰豈易消
看取病來多少日早梅零落玉華焦

吳中書事寄漢南裴尚書

萬家無事鎖蘭橈鄉味腥多厭紫蘿
水似棋文交度郭柳如行障儼遮橋
青梅蒂重初迎雨白鳥羣高欲避潮
惟望舊知憐此意得爲僮鬼也逍遙

秋夕文宴

得遙字

帝醬衰葉共蕭蕭文宴無喧夜轉遙
高詠最宜題雪嶺

逸才偏稱和雲謠風吹翠蠟應難刻月照清香太易消
無限玄言一杯酒可能容得蓋寬饒

酬襲美病中見寄

陸龜蒙

逢花逢月便相招忽卧雲航隔野橋春恨與誰同
醉時玄言何處問逍遙題詩石上空迴筆拾蕙汀邊獨倚橈

早晚却還巖下電

襲美時有眼疾

共尋芳徑結烟條

和襲美吳中書事寄漢南裴尚書

風清地古帶前朝遺事紛紛未寂寥三泖涼波漁蕖動

遠祖士衡對晉武帝以三泖冬溫夏涼

五茸春草雉媒嬌

五茸吳王獵所草各有名

雲

藏野寺分金刹月在江樓倚玉簫不用懷歸忘此景吳

土看卽奉弓招

和襲美吳中言懷寄南海同年

曾見凌風上赤霄
盡將華藻赴嘉招
城連虎踞山圖麗
路入龍編海舶遙
江客漁歌衝白苻
野禽人語映紅蕉
庭中必有君遷樹
莫向空臺望漢朝

交州記云有君遷樹有朝臺尉陀望

漢所築

奉和襲美見訪不遇

爲愁烟岸老塵囂
扶病呼兒斲翠苔
祇道府中持簡牘
不知林下訪漁樵
花盤小墢晴初壓
葉擁疎籬凍未燒
倚杖徧吟春照午
一池冰段幾多消

玉堂才調集

看

堂成

杜甫

背郭堂成蔭白茅緣江路熟俯青郊
橙林礙日吟風葉籠竹和烟滴露梢
暫止飛鳥將數子頻來語燕定新巢
旁人錯比楊雄宅懶惰無心作解嘲

重送浙西李相公頃廉問江南已經七載後歷清
臺劍南兩鎮遂入相今復領舊地新加旌旄

劉禹錫

江北萬人看玉節江南千騎引金鐃
鳳從池上遊滄海

鶴到遼東識舊巢
城下清波含百谷
窗中遠岫列三茅
碧雞白馬回翔久
却憶朱方是樂郊

題朱秀城南亭子

章孝標

朱家亭子象懸匏
皆瑩青莎棟剪茅
癭挂眼開欺鸚鵡
花緣網結妬螭蛸
有時風月輸三虎
無壁琴書屬四郊
土木欲知精潔處
社天歸燕怯安巢

題趙支

牟融

林間曲逕掩衡茅
遶屋青青翡翠梢
一枕秋聲鸞舞月
半窗雲影鶴歸巢
曾聞賈誼陳奇策
肯學楊雄賦解嘲
我有清風高節在
知君不負歲寒交

寒食日作

溫庭筠

紅深綠暗逕相交，暖含春披紫袍。
綵索平時墻婉婉，輕毬落處苑寥寥。
梢窗中草色妬雞卵，盤上芹泥憎燕巢。
自有玉樓春意在，不能騎馬度烟郊。

許州題觀察判官廳

薛能

三載從戎類繫匏，重遊全許尚分茅。
劉郎別後無遺履，丁令歸來有舊巢。
冬暖井梧多未落，夜寒窗竹自相敲。
纖腰子弟知千恨，笑與楊雄作解嘲。

秋居病中

雍陶

幽居悄悄何人到，落日清涼滿樹梢。
新句有時愁裏得，

古方無効病來拋荒簷數蝶懸蛛網空屋孤螢入燕巢
獨臥南山秋色晚一庭紅葉掩衡茅

宿藥公棋閣

李洞

帶風碁閣竹相敲局瑩無塵拂樹梢日到長天征未斷
鐘來嶽頂劫須拋挑燈雪客棲寒店供茗溪僧爇廢巢
因悟修身試貪教不須焚火向三茅

訪蔡融因題

杜荀鶴

杖藜時復過荒郊來到君家不忍拋每見苦心修好事
未嘗開口怨平交一溪寒色漁收網半樹斜陽鳥傍巢
必若天工主人事肯教吾子委衡茅

贈元上人

多少僧中僧行高偈成流落遍僧抄經窗月靜灘聲到
石徑人稀蘚色交垂露竹粘蟬落殼窅雲松載鶴棲巢
煮茶童子閒勝我猶得依時把磬敲

贈漁者

韓偓

個儂居處近誅茅枳棘籬兼用荻梢盡日風扉從自掩
無人筒釣是誰拋城方四面墻陰直江濶中心水脉均
我亦好閒求老伴莫嫌遷客且論交

于星燾壽丞校

于皇靈壽丞封

拜亦我間來未半莫漸寥容且備交

無人箇處景語此詩之四面盡創直上闕中亦未祖以
回對吾處我精萃味棘籜兼用茲詩盡日風氣發自餘

飲煎香

韓 劉

英茶童子問初非餘詩外却味琴端

不外人無難兮交垂靈竹味戰落遠率雲外輝輝對集
空少會中曾下高閣外流落最曾此聲窗月晴纖緯怪

似示上人

玉堂才調集

豪 三十四首

郭受 一首

嚴維 一首

耿漳 一首

韓愈 一首

呂溫 一首

張籍 二首

白居易 二首

賈島 一首

章孝標 一首

朱慶餘 一首

溫庭筠 一首

許渾 四首

薛能 一首

項斯 一首

陸龜蒙 二首

皮日休 一首

鄭谷 二首

李中 一首

韋莊 一首

羅隱 二首

羅鄴 一首

李宣古 一首

譚用之 三首

玉堂才調集

豪

杜員外兄垂示詩因作此寄上

郭受

一刻
嚴武

新詩海內流傳久舊德朝中屬望勞
郡邑地卑饒霧雨江湖天濶足風濤
松花酒熟旁看醉蓮葉舟輕自學操
春興不知凡幾首衡陽紙價頓能高

送崔尚使往睦州兼寄薛司戶

嚴維

如今相府用英髦獨往南州肯告勞
冰水近開漁浦出雪雲初卷定山高
木奴花映桐廬縣青雀舟隨白露濤
使者應須訪廉吏府中惟有范功曹

朝下寄韓舍人

耿 漳

侍臣鳴佩出西曹
鸞殿分階翊綵旄
瑞氣回浮青玉案
日華遙上赤霜袍
花間焰焰雲旗合
鳥外亭亭露掌高
肯念萬年芳樹裏
隨風一葉在蓬蒿

奉和庫部盧四兄曹長元日朝迴 韓 愈

天仗宵嚴建羽旄
春雲送色曉雞號
金爐香動螭頭暗
玉珮聲來雉尾高
戎服上趨承北極
儒冠列侍映東曹
太平時節難身遇
郎署何須歎二毛

答何處士元上

呂 溫

意氣曾傾四國豪
偶來幽寺息塵勞
嚴陵釣處江初滿

梁父吟時月正高新識幾人知
杞梓故園何處長蓬蒿
期君自致青雲上不用傷心歎二毛

寄虔州韓使君

張籍

南康太守負才豪五十如今未擁旄
早得一人知姓字
常聞三事說功勞
月明渡口漳江靜
雲散城頭巔石高
郡政已成秋思遠
閒吟應不問官曹

送從弟濛赴饒州

京城南去鄱陽遠
風月悠悠別思勞
三領郡符新寄重
再登科第舊名高
去程江上多看堠
迎吏船中亦帶刀
到日便行清靜化
春田應不見蓬蒿

江樓宴別

白居易

樓中別曲催離酌，燈下紅裙間綠袍。
縹緲楚風羅綺薄，淅淅越調管絃高。
寒流帶月澄如鏡，夕吹和霜利似刀。
樽酒未空歡未盡，舞腰歌袖莫辭勞。

初到洛下閒遊

漢庭重少身宜退，洛下閒居迹可逃。
趣伴入朝應老醜，尋春放醉尚麤豪。
詩攜綵紙新裝卷，酒典緋花舊賜袍。
曾在東方千騎上，至今蹤跡馬頭高。

題鷹

章孝標

星眸未放瞥秋毫，頻掣金鈴試雪毛。
會使老拳供口腹，

莫辭親手啖腥臊穿雲自怪身如電
煞兔誰知吻勝刀
可惜忍饑寒日暮向人鵲斷碧絲綵

贈僧

賈島

從來多是遊山水省泊禪舟月下濤
初過石橋年尚少
久辭天柱臘應高青松帶雪懸銅錫
白髮如霜落鐵刀
常恐畫工援筆寫身長七尺有睂毫

台州鄭員外郡齋雙鶴

朱慶餘

丹頂分明音響別況聞來處隔雲濤
情懸碧落飛何晚
立近清池意自高向夜雙棲驚玉漏
臨軒對舞拂朱袍
仙郎爲爾開籠早莫慮回翔損羽毛

途中偶作

溫庭筠

石路荒涼接野蒿
西風吹馬利如刀
小橋連驛楊柳晚
廢寺入門禾黍高
雞犬夕陽喧縣市
鳬鷺秋水曝城濠
故山有夢不歸去
官樹陌塵何太勞

登故洛陽城

許渾

禾黍離離半野蒿
昔人城此豈知勞
水聲東去市朝變
山勢北來宮殿高
鴉噪暮雲歸古堞
鴈迷寒雨下空壕
可憐緱嶺登仙子
猶自吹笙醉碧桃

驪山

聞說先皇醉碧桃
日華浮動鬱金袍
風隨玉輦笙歌迴

雲卷珠簾劍珮高
鳳駕北歸山寂寂
龍輿西幸水滔滔
蛾眉沒後巡遊少
瓦落宮牆見野蒿

李定言自殿院銜命歸闕拜外郎俄遷右史因寄
白筆南征變二毛
越山愁瘴海驚濤
纔歸龍尾含雞舌
更立螭頭吮兔毫
聞闔欲開宮漏盡
冕旒初坐御香高
吳中舊侶君先貴
曾憶王祥與佩刀

十二月拜起居表回

一章西奏拜仙曹
回馬天津北望勞
寒水欲春冰彩薄
曉山初霽雪峯高
樓形向日攢飛鳳
宮勢凌波壓斷鼇
空鎖烟霞絕巡幸
周人誰識鬱金袍

春日使府寓懷

薛能

平生無解亦無操
永日書中坐獨勞
惟覺宦情如水薄
不知人事有山高
孤心好直述
猶強病髮慵
梳養更搔
何事故溪歸
未得幾拋清淺汎紅桃

送苗七求職

項斯

相逢未得三回笑
風送離情入剪刀
客路最能銷日月
夢魂空自畏波濤
獨眠秋夜琴聲急
未拜軍城劍色高
去去緣多山與海
鶴身寧肯爲飛勞

和襲美寄滑州李副使

陸龜蒙

洛生閒詠正抽毫
忽傍旌旗著戰袍
懾下連營皆破膽

如離孤匣欲吹毛
清秋月色臨軍鼎
半夜淮聲入賊壕
除却征南爲上將
平徐功業更誰高

襲美將以綠罽爲贈因成四韻

三徑風霜利若刀
襜褕吹斷罽蓬蒿
病中祇自悲龍具
世上何人識羽袍
狐貉近懷珠履貴
薜蘿遙羨白巾高
陳王輕暖如相遺
免製衰荷效廣騷

酬魯望見送綠罽次韻

皮日休

輕裁鴨綠任金刀
不怕西風斷野蒿
酬贈旣無青玉案
纖華猶欠赤霜袍
烟披怪石難同逸
竹映仙禽未勝高
成後料君無別事
只應酣飲詠離騷

京師冬暮詠懷

鄭谷

覓句千名祇自勞，苦吟殊未補風騷。
烟開水國花期近，雪滿長安酒價高。
舊業已荒青靄徑，寒江空憶白雲濤。
不知春到情何限，惟恐流年損鬢毛。

輦下冬暮詠懷

永巷閒吟一徑蒿，輕肥大笑事風騷。
烟含紫禁花期近，雪滿長安酒價高。
失路漸驚前計錯，逢僧更念此生勞。
十年春淚催衰颯，羞向清流照髩毛。

秋江夜泊寄劉鈞正字

李中

閒憶詩人思倍勞，維舟清夜泥風騷。
魚龍不動澄江遠，

雲霧皆收皎月高潮滿釣舟迷浦嶼霜繁野樹叫猿猱
此時吟苦君知否雙鬢從他有二毛

南省伴直

韋莊

文昌二十四仙曹盡倚紅簷種露桃一洞烟霞人迹少
六行槐柳鳥聲高星分夜彩寒侵帳蘭惹春香綠映袍
何事愛留詩客宿宿滿庭風雨竹蕭騷

塞下

秦韜玉

到處人皆著戰袍麾旗風緊馬蹄勞黑山霜重弓添硬
青冢沙平月更高大野幾重開雪嶺長河無限舊雲濤
風林關外皆唐土何日陳兵戍不毛

經耒陽山杜工部墓

羅隱

紫菊馨香覆楚醪
奠君江畔雨蕭騷
旅魂自是才相累
閒骨何妨塚更高
驥騄喪來空蹇蹶
芝蘭衰後長蓬蒿
屈原宋玉憐君處
幾駕青螭緩鬱陶

春日有酬

舊業傳家有佩刀
近聞揮刃更揮毫
腰間印綬黃樞貴
卷裏文章白雪高
讌罷佳賓吟鳳藻
獵歸諸將問龍韜
登壇甲子纔三十
猶擬回頭賭錦袍

繡

一片綠羅

洞房西室女工勞
花隨玉指添春色

鳥逐金針長羽毛蜀錦謾誇聲自貴越綾虛說價功高
可中用作鴛鴦被紅葉枝枝不礙刀

秋日懷江上友人

羅鄴

行子寧知烟水勞西風獨自泛征艘酒醒孤館秋簾卷
月滿寒江夜笛高黃葉夢餘歸朔塞青山家在極波濤
去年今日逢君處鴈下蘆花猿正號

上杜司空悰

李宣古

紅燈初上月輪高照見堂前萬朶桃
靨栗調清銀字管琵琶聲亮紫檀槽能歌姹女顏如玉解飲蕭娘眼似刀
爭奈夜淡拋耍令舞來拖去使人勞

途次宿友人別墅

譚用之

千里嶠函一夢勞
豈知雲館共蕭騷
半簾綠透偎寒竹
一榻紅侵墜晚桃
蠻酒客稀知味長
蜀琴風定覺絃高
感君巖下閒吟隱
細縷金盤鱠錯刀

別洛下一二知己

金鼎光輝照雪袍
洛陽春夢憶波濤
塵埃滿眼人情異
風雨前程馬足勞
接塞峨嵋通蜀險
過山仙掌倚秦高
別來無限幽求子
晉杜夷字行齊諡曰貞子
著幽求子二十篇行於世
應笑區區味六韜

送丁伯士歸南中

孤雲無定鶴辭_絕日負焦桐不說勞服藥幾年期碧落
驗符何處呪_日于陵山曉紅雲密青草湖平雪浪高
從此人稀見蹤跡還應選地種仙桃

于慎學元直校

